

Kōkmanmanlok Jemlok ko kin Ejmour ilo an Kojejjet Oktak ko ilo Mour im Injuran

Ilo torre in, jikin jermal eo an kejbarok in ejmour ejab emmon kar kommane nan jiban armij ro rej ioon an wor likjab ilo injuran in takto eo aer, elabtata ro rej ella ioon injuran in Medicaid eo an Oregon, Oregon Health Plan (OHP). Bojrak kein ilo injuran in OHP ekka aer jemlok ilo an ro uwaan doulul eo jab maron bok komadmod in takto, jab maron loe takto ro aer, im jab boke jiban ko jet raurok im rej mennin aikuj nan lale SDOH im kejbarok ejmour eo emmon. Elablok, armij ro elablok an loñ aer naninmij ko, elablok aikuj ko kin aer bed iturin ro jet, im/ak diklok aer maron kolaajrak kejbarok eo aer make rej aikuj kolaajrakin kejbarok eo ekajur jen takto ro aer.

Im bareinwot, emoj loe ke aban ko nan ejmour ilo jikin ko armij rej bed ien (SDOH), einwot mejatoto im imon jokwe, boke mōñā ko remmon ñan ejmour im jikin ko remaroro, ien jermal ko im kolla, rej tarrin 80-90% in jemlokin ejmour ko an juon armij.^{1,2}SDOH kein, ekoba kalijeklok ko jen etto, rejab wunin kalijeklok in takto ko im an kadulok an armij mour.³

Oregon ej kotobar in lale abnono kein kin:

- Lolorjak ke injuran eo an Oregon Health Plan (OHP) jen oktak ko an mour im oktak ko ilo injuran, im
- Lale aoleben wūn ko rej jelōt ak jibañ ejmour, ekoba oktak ko ilo mour ikijen taktō im ejab taktō.

Lolorjak injuran in OHP kin oktak ko ilo mour

Juon kōmelele kin jibañ ko ekkarñan kamool im ejab ikijen taktō im rej lale aikuj ko rejab tōbrak ikijen imōn jokwe, ial ikijen taktō, an wōr mōñā, jibañ ikijen jermal im mojno ñan mejatoto ko elab aer nana enaj wōr ñan ro uwaan OHP emōj kalikar rej bed ilo kōmelele ko an oktak ilo mour. OHA enaj bar karōke jāān im kein jermal ko ñan kōmadmōd, lelok rōjañ, im lelok jibañ in kejbarok ñan kōkmanmanlok ejmour iomwin ien aitōk ñan ro uwaan OHP im ewōr oktak ilo mour ko aer.

Lale aoleben wūn ko rej jelōt ak jibañ ejmour

Oregon ej jermal in kōtōbrak aikuj ko an enbwin, muten, im utamwe ko an aoleb ro uwaan OHP ilo aer kōjermal kōtōbar eo ejmōj aer kakoba, lale rinañinmij eo, im aoleben ejmour im ainemmon eo an juon armij. Ñan tōbare kōtōbar in, Oregon enaj kajitōk kōmelim in jañiji kakien ko an Medicaid ñan an emmonlok an tōbare armij ro rej bed ilo jet jekjekin mour ko, im ñan lelok jibañ ko ikijen taktō im jermal

¹ Magnan, S. (2017). Mennin Kabañbañ ko ilo Jikin ko Armij rej Bed le ikijen Ejmour 101 ñan Jibañ in Taktō: Lalem Alen Lalem. National Academy of Medicine (Jikuul in Taktō eo an Aelon eo). Ewōr ilo: <https://nam.edu/social-determinants-of-health-101-for-health-care-five-plus-five/>

² Hood, C. M., K. P. Gennuso, G. R. Swain, and B. B. Catlin. 2016. Bōnōbōn eo an County kin ejmour: Ta ko rej walok jen men ko rej kōmman abañ im jemlok ko ikijen ejmour. *Beba in Melele kin Wūno in Bōbrae an Amedka* 50(2):129-135.

in jibañ ko ikōtaan jikin ko ilo ien oktak ak ilo ien kijeek ko relab, lab bwil, ak mejatoto ko jet rekauwōtata. Ñe enaj tōbrak, Oregon enaj lale likjab ko ilo injuran in Medicaid ilo an kaitōklok ien aer bed ilo injuran – ñan jejetin ien ko – ñan ro remaron tōbrak im rej bed ilo ien oktak ko im lelok jermal in jibañ ko an SDOH emōj kōmelele ijin lal.

Ñan lolorjak injuran in OHP ilo oktak ko ilo mour im ñan lale aoleben wūn ko rej jelōt ak jibañ ejmour, kin taktō im ejab kin taktō, Oregon enaj kajitōk in:

1. Kōmelim kakien eo an federal ñan bōbrae injuran in Medicaid ñan armij eo ej bed iomwin eddo, ekoba ro rej kobalok ilo lale jimwe in kakien im ro rej bed ilo Aujbitol eo an State eo an Oregon im jikin ko rej jokwe kin lale lomnak ko aer, ñan kōjejet:
 - a. Bōk jibañ im/ak kaitōklok jibañ in Medicaid ko ñan aoleb jodikdik im remaron tōbrak ñan Medicaid im rej deloñe jikin kalbuj eo an jodikdik ilo aoleben ien aer bed ilo jikin kalbuj ko an jodikdik jekdoñ jikin eo.
 - b. Lelok juon jibañ in OHP ewōr joñan (einwot, wuno ko jen takto, kein kajinet, maron boke jermal in jiban ko ikijen oktak) im kadelon etan ilo CCO ñan an ro uwaan OHP im renaj diwoj jen Aujbitol eo an State eo an Oregon, jikin ko rej jokwe im lale naninmij in komelij ko ak ro rej kobalok ilo jikin kalbuj eo an state kin lale bōd ko aer, 90 raan mokta jen aer diwōj.
 - c. Lelok juon jibañ in OHP ewōr joñan im kadeloñ etan ilo CCO nan ro uwaan OHP im rej bed ilo jikin kalbuj, ekoba ro rej kōttar jemlok eo kin bōd eo rar kommane.
2. Kejbarok joñan ko an ajiri maron tobrak im pakij in jiban ñan Jodikdik ro ewōr aer Aikujin Kejbarok ko Rej Make Wōt (YSHCN) lok ñan joñan yiō 26.
3. Kōmmane im kolla, kin maron in kolla wonnen, juon jejetin jermal in jibañ in oktak ko an SDOH ñan jibañ ro uwaan doulul eo rej aikuj ilo ien injuran ko ewōr oktak im oktak ko ilo mour.
4. Kolablok im kolla, kin maron in kolla wonnen, kein jermal ko aikuj nan jibañ aer bōk jibañ ko ilo aer kōjermal taktō ro rejab bed ilo kein jermal in lale eo an taktō.
5. Bōk maron in kolla wonnen ko ñan jibañ joñan kōjejet kutien jiban ilo jonan eo ilo jukjukinbed, ekoba kolla ko nan takto im kein jermal im jonan kolablok doulul ko an jukjukinbed (CBO).

Abnōnō im Melele ko Maanlok

Ilo 2018 Jonjon Ejmour eo an State eo an Oregon ear loe kalijeklok ko laajrak kin men ko jet, rar jino jen abañ ko an armij ñan ejmour.³ Kajojo ian kalijeklok kein ej komman an ro uwaan doulul eo lablok aer mojno nan jorraan ko rejab emmon jen oktak kein im jorraan ko jen mejatoto ko rekauwōtata.

- Ijellokun armij ro rej Asian, armij ro rejab mouj kilier rej ioon an ejellok imōn aer jokwe kin joñan eo elab an oktak jen kain armij ro jet.
- Eiten aolen kumi in armij ro jen lal ak kumi in lal ko jet ilo Oregon – elabtata African American ro – rej ioon joñan jeramol ko elablok jen aoleb ro jet ilo Amedka.

³ <https://www.oregon.gov/oha/PH/ABOUT/Documents/sha/state-health-assessment-full-report.pdf>

- Juon möttan jilu in imōn jokwe ko an African American rej kolla lablok jen 50% in kolla ko aer ñan wonnen imōn jokwe, oktak jen 17% in aoleb imōn jokwe ko ilo Amedka.
- African American ro ilo Oregon elablok 4.6 jen ro remouj kilier bwe ren kalbuj, im armij ro rej Native American ro im Latino/a/x rej ioon joñan kalbuj ko kin 1.8 im 1.4 lablok jen armij ro remouj kilier, bareinwōt.

Juon wūn eo ej kōmmāne kalijeklok kein ilo jelōt in ejmour ko rejab emmon ej likjab in injuran ilo OHP, komman jen oktak ko ilo mour. Bojrak ko ilo injuran im jibañ rejab komman an jab wōr kwon ilo mour eo an juon armij, elabtata ilo juon ien ñan an lablok mojno. Likjab ko ilo injuran ekka aer komman an bwe ro uwaan doulul eo renjab maron loe taktō ak bōk jibañ ko rej aikuj im ej jemlok ilo an nana jemlok ko ikijen ejmour im lablok wonnen lelok kejbarok ko iomwin ilo jeklaj.^{4,5}

Oktak ko ekkā aer kōmman likjab ilo injuran im rej walok jen oktak ko ilo mour, oktak ko ilo jikin ko rej kadeloñ er, jorrāān ko jen mejatoto, ak kakobaba in men kein jimor. Im bareinwōt, oktak ko rej komman likjab ekka an jab joñan wōt juon ñan ro uwaan OHP im rej uwaan jukjukinbed ko an armij ro rejab mouj kilier, kadik joñan aer maron kōtōbrak aikuj ko aer ikijen ejmour im ilo jikin ko rej bed ie.

Ien oktak ko relab rej komman aban nan ro uwaan OHP nan kajinet jiban ko aer kin an bin kein jermal in jiban in ejmour. Ro uwaan doulul eo remaron luuji aer maron tobrak ibben Medicaid ak jab delon ettaer jen doulul eo ej kolaajrak kejbarok (CCO) jemlok ilo an wor bojrak in aer bok jiban in komadmod im kolaajrak aer etal ikotaan takto ro. Jiban ko renaj kokmanmanlok an armij eo uwaan doulul eo maron kejbarok ejmour im jonan emmon in mour eo aer, einwot katmane aer maron bok jiban ko ikijen imon jokwe ilo ien renaj diwoj jen eddo eo an juon jikin, rejab ekka aer bok jiban in injuran eo an Medicaid. Bojrak kein ilo injuran im jiban ko rej walok jen makutkut kein remaron komman an jab kwon mour eo an juon armij ilo ien eo elablok mojno im ekomman likjab ilo an armij eo maron lolak takto ro ak bok jiban ko, jemlok ilo an nana lok jemlok ko ikijen ejmour im lablok wonnen ko ilo jeklaj.^{6,7}

Jiban im jermal ko an ien kadu im rej lale im rejejjēt nan kakolkol ien ko rej komman bojrak, aikuj ko an armij im jemlok ko remmonlok enaj jiban an wor tobrak ilo jemlok ko im kadiklok jorraan ko rej walok jen makutkut ko rar komman kalijeklok ko ikijen ejmour, lelok jemlok in ejmour ko remmonlok, im kadiklok wonnen ko nan kien ko an state im federal.

⁴ <https://www.ncbi.nlm.nih.gov/pmc/articles/PMC5548183/>

⁵ <https://pubmed.ncbi.nlm.nih.gov/28728555/>

³ Ej walok kalijeklok ko ikijen ejmour ilo ien kakien ko an armij ilo juon jikin ewōr kalijeklok im jermal ko rejab kōmelim an jet kumi in armij ro maron bōk jibañ in ejmour eo elab joñan, emaron kin an dik mennin jibañ ko rej jibañ ejmour ak kin an lablok aer kebaak uwōta ko ñan nañinmij. https://www.bphc.org/healthdata/health-of-boston-report/Documents/3A_Health%20Equity_16-17_HOB_final-3.pdf#search=difference%20between%20inequities%20and%20disparities

⁶ <https://www.ncbi.nlm.nih.gov/pmc/articles/PMC5548183/>

⁷ <https://pubmed.ncbi.nlm.nih.gov/28728555/>

Lale SDOH jen 2017-2022 1115(a) beba in kokkaal melele

Iomwin kokkaal in komelim eo ej kwalok melele 2017-2022 1115(a), OHA ear kwalok jibañ ko ikijen ejmour (HRS) ñan kolablok maron eo an CCO ko nan kojberbal jiban ko ejab ikijen takto nan lale ta ko rej walok nan armij ikijen ejmour im kalijeklok ko rej komman ejmour eo ejab emmon. Botab, nan rainnin, kolla wonnen ko nan HRS rej bed wot ilo aer dik (0.7% eo ekka) im ejanin lukkun lale aikuj ko an armij ro ilo juon jikin im ej wor aer oktak kin injuran. Ewōr abnōnō kin kolla in edik kin an maron emmonlok jemlok ko an ro uwaan doulul im ejmour ko an armij ro ilo jukjukinbed.

Ñan ien kwalok melele ko rekaal juon, OHA enaj lemaanlok in karōke joñan ko einwot bajet eo emoj kojejjet nan jonan ko aurok nan lelok katmane eo elablok im kapidodo nan CCO ko, innem komman bwe ren maron kolablok joortoklik ko rej lelok nan HRS ilo an ejellok abnono kin an jonan ko wonnen kadiklok jemlok in ejmour ko remmonlok im kadiklok wonnen takto.

Ñan jinoe an lablok joortoklik nan HRS, OHA enaj kabok maron in kolla wonnen ko nan kommane juon jejjetin jonan jaan ko nan joortoklik ko ilo jejjetin HRS nan ro uwaan doulul eo rej ioon oktak ko im rej bed ilo uwota eo elab nan aer luuji injuran eo aer. Kin mennin, CCO ko remaron etale HRS ta eo ewor tokejin an kokmanmanlok ejmour im kadiklok wonnen takto.

Laajrakin kin jermal in jiban ko ikijen oktak an SDOH enaj komman nan kadiklok uwota ilo an wor likjab ko ilo an bojrak injuran im lale SDOH. Mennin emaron koba jibañ ko ikijen imōn jokwe, jibañ ko ikijen ial kin ejmour, jibañ kin ōn in mōñā, jibañ kin jermal im'ak jibañ ñan ro uwaan doulul eo rej ioon jorrān ko rar walok jen mejatoto kauwōtata. Ilo aer komman bwe en wor jiban kein, ro uwaan doulul eo rej bed ilo oktak ko remaron tobrak renaj maron boke kein jermal ko aikuj nan an tobrak aer kajinet oktak eo ilo aer kejbarok an kwon aikuj nan ejmour eo emmon im jonan mour eo emmon. Ilo an kolla jiban kein ibben CCO ko inabojin bajet eo emoj kojejjet nan jonan eo emmon mokta, CCO ko renaj bok melele kin jiban ko elabtata an jejjet aer jermal innem ilik joortoklik ilo jaan in bajet ko emoj kojejjet nan jonan ko remmon ilo jiban kein einwot an OHA (im CMS) kadiklok kolla ko jet.

Bebe kein emoj komelele ijin lal rej lelok joortoklik ilo jikin ko ewor likjab ilo torre in (einwot, delon diwoj jen jikin kalbuj ko, maron tobrak ko ikjen joñan yiō). Im elablok, bebe ko emoj lemaanlok rej kotobar in lale aoleben wun ko rej jelote ejmour, kin takto im ejab kin takto jimor, ilo an lelok jiban in SDOH nan ro uwaan doulul eo – im, ilo ien, ibben takto ro rej bed ilo jukjukinbed inabojin kein jermal in takto eo – mokta jen oktak ko ilo jiban in Medicaid im/ak oktak ko ilo aer maron tobrak.

Bebe ko emōj lemaanlok

Bebe 1. Kōmelim kakien eo an federal ej komman an juon armij eo ej bed iomwin eddo in juon jikin jen an maron bōke jibañ ko an Medicaid.

Jekdon tobrak eo an Oregon ilo kadelon buki taujin rūtto ilo OHP iomwin lablok in Medicaid eo an state, ro rej bed ilo jikin ko rej lale bōd in kakien, im ro rej bed ilo jikin kalbuj ko kin Nañinmij in Komelij (IMD) rej ioon aban ko relablok ilo injuran. Ilo ien in, kajojo armij rein edelon ettaer ilo OHP ilo ien rej kalbuj, Oregon ej jejbaane injuran eo aer. Rej bar jino an delon etan armij ilo ien rej diwoj botab ekka an bōk 10-14 raan, im ej komman bwe armij rein en ejellok aer jibañ ikijen injuran. Ro uwaan doulul

eo rej aikuj komadmod ikijen jokwe ak jorraan jen wuno ko rekajur (SUD) reban loe jiban eo mae ien ebar jino an delon ettaer, likut er ilo an ejellok aer injuran ñan jibañ ko raurok iomwin wiik.

Likjab in lelok injuran in takto im jiban in kejbarok ko ikijen ejmour nan kajojo armij ro rej oktak jen aer bed iomwin eddo in juon jikin ej juon jorraan eo elab ilo aer boke jiban, jemlok in ejmour, im wonnen ko.^{8,9}kajojo armij ro rej bed ilo jikin ko rar rubrub kakien elablok jonan ko rej ioone kin kakolkol in ejmour ko ikijen enbwin im muten.¹⁰ Im bar juon alen, armij ro rejab mouj kilier elab aer bed ibben ro rej kalbuj ilo Oregon,¹¹ im melelein armij ro rejab mouj kilier elablok aer ioon uwota ko ilo likjab in injuran in OHP ekka aer ioone ilo ien aer oktak jen jikin kalbuj kein.

Ro uwaan doulul eo rej oktak nan aer bar etal nan jukjukinbed jen jikin kalbuj kein rej ioon aban ko rediklok ilo aer maron bok jiban in kejbarok im jermal in jiban ko elane rej lelok:

- injuran in OHP ewor jonan im
- Kadelon at ilo CCO im rej injuran ilo kolaajrak kejbarok im jiban ko ikijen kajet koba ibben oktak in jiban in SDOH ko emoj lemaanlok.

Oregon ej kajitok an komelim kakien eo an federal ej komman an armij eo ej bed iomwin eddo an juon juon jikin boke jiban ko an Medicaid im kajitok an federal anoke injuran in jiban eo nan kajojo armij rein.

Kin maron in komelim in, Oregon enaj kojejjjet:

- a. Kejbarok jiban ko im/ak kolablok jiban in Medicaid ko nan aoleb jodikdik ro remaron jab tobrak nan Medicaid ilo ien aer delone jikin kalbuj eo an jodikdik ilo aoleben ien eo rej bed ilo jikin kalbuj ko.**

Jodikdik ro rej kobalok ilo jikin jermal eo an lale jimwe ko an jodikdik rej bed ilo uwota eo elab joñan. Jodikdik ro rar kobalok ilo obij eo ej bok eddon ejmour im ainemmon an ajiri ak jikin jermal ko rej lale ejmour ko an muten ejab bar juon wot joñan aer lemaanlok ettaer ñan jikin jermal eo ej lale jimwe ko an jodikdik. Im bar juon alen, jodikdik ro ejab mouj kilier elab aer jab jutak ikijer, ilo jikin jermal ko rej lale jimwe an jodikdik, kin an lab joñan ko rej deloñ ilo jikin kalbuj ko.¹² Jodikdik rein ejab mouj kilier elablok an maron wor aer aikuj ko ikijen ejmour in taktō im muten rebin im lab wonneir kin kalijeklok ko nan armij emoj aer walok jen etto im wun

⁸https://journals.lww.com/professionalcasemanagementjournal/Abstract/2009/03000/Reducing_30_Day_Inpatient_Psychiatric_Recidivism.8.aspx

⁹ https://cdr.lib.unc.edu/concern/honors_theses/j6731775s

¹⁰ Rich, J. D., Wakeman, S. E., & Dickman, S. L. (2011). Takto im Naninmij ko Rekabobo nan Rikalbuj ilo Amedka. Jeje ko kin Melele in Taktō an New England, 364(22), 2081- 2083. doi:10.1056/nejmp1102385

¹¹ <https://www.vera.org/downloads/pdfdownloads/state-incarceration-trends-oregon.pdf>

¹² <https://pubmed.ncbi.nlm.nih.gov/23334336/>

ko jet im ediklok aer maron kar niknik in boke jiban in takto im jiban in bobrae ko ilo mour ko aer.¹³

Kajojo armij rein ekka aer koba ilo elon jikin jermal ko (takto, takto in muten, jelalokjen, ainemmon im ejmour an ajiri) im remaron aikuj mennin jiban ko ikijen komadmod eo ej make wot im lab jonan im rebin nan boke ilo an jab alikar jikin ko rej kolla ak manija in keij. Ilo am lelok jiban in komadmod ejmour im kakajur kein jermal in kolaajrak kejbarok ilo ien oktak in mour ko relab (jikin kalbuj) ien mour ko raurok (jodikdik, im ekka jodikdik eo ejab mouj kilin im elab an walok), bebe in emaron kokmanmanlok ejmour ko an mour nan jodikdik rein elab aer bed ilo uwota im kejbarok wonnen ko iomwin ien aitok ilo jikin jermal ko reloñ.

b. Lelok jiban in OHP ko ewor joñaer im kadelon at ilo CCO im jiban in oktak ko ilo ien aer diwoj nan ro uwaan OHP ilo (i) Aujbitol eo an State eo an Oregon, (ii) jikin ko rej delon kin jorraan in komelij, im (iii) jikin kalbuj (90 raan mokta jen aer diwoj).

Ro uwaan OHP rej etal jen jikin kalbuj ekka an lab uwota nan jemlok in ejmour ko rejab emmon. Kajojo ro rej bed ilo jikin kalbuj rej ioon jonan ko relablok kin kalkolkol in ejmour ko ikijen takto im muten im elablok jonan uwota nan jorraan im mij jen jorraan, wuno ko rekajur, im man er make jen armij ro rejanin kar kalbuj. Waanjonok, jonan mij ko jen wuno ko rekajur nan kajojo ro rar bed ilo jikin kalbuj elablok jen 100 alen jonan jen armij ro jet. Armij ro rar kalbuj im ewor aer jorraan kin ejmour in muten elablok aer maron jen ro ejellok aer jorraan kar ejellok imon aer jokwe iloan juon yio mokta jen aer kar kalbuj, ediklok aer maron jab jermal mokta jen ien aer kar kalbuj, im elablok aer maron ripoot kin jorraan nan enbwin ak kakkure ilo torre ko moktalok.¹⁴¹⁵

Ilo am jermal in lolorjak ke ro rej bed ilo jikin kalbuj remaron boke jiban ko 90 raan mokta jen aer diwoj im juon doulul kin jibañ ko an ejmour ebojak im enaj jiban er ilo ien aer diwoj, koba ibben jiban in oktak ko an SDOH emoj lemaanlok, Oregon ej kotobar in:

- Kōkmanmanlok jemlok ko an ejmour in enbwin im muten an ro uwaan doulul eo im rej kalbuj alikin aer naj diwōj
- Kadiklok ien lolak jikin idin jibañ ko, deloñ ilo aujbitol ko, im jermal in jibañ ko jet remaron jab aikuj ilo aer kakoba ro uwaan OHP im rej kobalok ilo lale jimwe kin jermal in jibañ ko rej woñmaanlok ñan ejmour in enbwin im muten ilo jukjukinbed
- Jibañ an woñmaanlok jibañ in kōmadmōd ikijen taktō

¹³ Sedlak AJ, McPherson KS. Aikuj im jibañ ko an jodikdik. OJJDP Beba in Melele kin Jimwe ñan Jodikdik. 2010;Ebrol:10–11. Ewor ilo: www.ncjrs.gov/pdffiles1/ojjdp/227728.pdf

¹⁴ Gates, A., Artiga, S., Rudowitz, R., “Injuran in Takto im Kejbarok Rutto ko Rej Koba ilo Jikin ko Ewor Jimwe kin Bōd,” Kaiser Family Foundation, Jebtomba 5, 2014. <https://www.kff.org/uninsured/issue-brief/health-coverage-and-care-for-the-adult-criminal-justice-involved-population/>.

¹⁵ Binswanger, Ingrid A., Marc F. Stern, Richard A. Deyo, Patrick J. Heagerty, Allen Cheadle, Joann G. Elmore, im Thomas D. Koepsell. “Diwoj jen Jikin Kalbuj — Juon Uwota eo Elab in Mij nan Ro Rar Kalbuuj Moktalok,” Beba kin Melele in Takto an New England, Janwode 2007

- Kadiklok wonnen taktō ilo am lolorjak an woñmaanlok jibañ im jermal ko alikin aer diwōjlok ñan jukjukinbed

c. Lelok jibañ in OHP ko ewōr joñaer im kadeloñ etan CCO nan ro uwaan OHP ilo jikin kalbuj, ekoba ro rej kattar jemlokin ien ekajet

Kajitok in nan injuran ej bar lomnak kin ien kalbuj ko redkadu (diklok jen 90 raan) im ien ko rejab jelā aitokin ilo imon kalbuj ko an bukon im ilo jukjukinbed ko jet. Nan aer maron kejbarok an wonmaanlok aer bok jiban in kejbarok im lolorjak aikuj ko an ejmour in enbwin im muten ilo ien aer diwoj, ro uwaan OHP ilo jikin kalbuj ko an bukon ak jikin kalbuj ko an jukjukinbed renaj bok jiban ilo an wor jonan jiban in OHP ewor jonan ilo aoleben ien aer kalbuj. Oregon ej kajitok ro ejellok aer injuran in OHP eo ej jermal ren bok jiban jen Burokraam in Lelok Melele im rej Kobalok ibben Jukjukinbed an OHA im rijermal ro an jikin kalbuj ilo jukjukinbed ilo aer jinoe, kadedelok im lelok juon ablikajon in OHP ekkaal iloan 72 awa jen ien aer kalbuj ak kadelon ettaer. Jikin kein armij rej bed rej bed ilo uwota kin jemlok ko rejab emmon im renaj jiban jen kokmanmanlok ko ilo ejmour einwot komelele ilo ioon b ijin loñ. Jikin kein an armij renaj bar maron tobrak nan oktak ko ikijen jiban in SDOH.

Bebe 2. Kejbarok jiban maron tobrak ko an ajiri im pakij in jiban eo an Jodikdik ro Ewor Aer Kejbarok in Ejmour ko Rej Make Wot *YSHCN) lok nan jonan yio 26.

Ñan YSHCN, Oregon ej lemaanlok in kolablok injuran in OHP nan jonan yio 26 im kejbarok jonan maron tobrak ko an 305% FPL nan jiban an ejellok likjab ilo oktak ko jen kejbarok in takto an ajiri nan rutto. Eloñ ajiri rein im jodikdik ro rej itōk jen jukjukinbed ko armij ro rejab mouj kilier, LGBTQAI +, ro uwaan Bwij ko an Oregon im emōj aer ioon an ejellok imōn aer jokwe, (IDD)¹⁶ ak jeramol. Lale oktak in ej aurok eo nan kotobar ko ikijen ejellok kalijeklok in ejmour an Oregon kinke jet YSHCN ko rej bok jiban in bojak in oktak ko ebwe jonaer, im jet kein kamool ko rej kwalok ke jekjekin elablok an nana ñan armij ro ejab mouj kilier im jet kumi in armij jen lal ko roktak.¹⁷ Ekkar ñan Waanjonok eo an Aelon eo kin Ejmour ko an Ajiri 2108-19, 45% in jodikdik ro an Oregon joñan yiō 12-17 ear wōr aer aikuj in kejbarok ikijen takto ej make wōt. Ro uwaan baamle an jodikdik im ewor aer aikuj ko rej make wot ikijen ejmour rar ripoot ke:

- 69% rar jab boke jiban ko rej kebooj aer bojak in oktak ilo kejbarok in ejmour
- 38% ear ejellok aer make ien ibben takto eo aer ilo ien kakolkol eo aer aliktata,
- 21% ear jab katak kapeel ko jen takto ko aer nan aer kejbarok er make jen, im
- 44% ear jab ebok jiban jen takto ro aer nan melele oktak ko ilo kejbarok eo aer im rej walok ilo ien 18 aer yio.¹⁸

¹⁶ <https://link.springer.com/article/10.1007/s11920-019-1016-1>

¹⁷ https://pediatrics.aappublications.org/content/126/Supplement_3/S129.short

¹⁸ Bebe kin Melele ko Rejimwe Jen Jikin eo an Oregon kin Ajiri im Jodikdik Ewōr aer Aikuj ko Rej Make Wōt ikijen Taktō, Mōttan. 4/26/2021 <https://www.ohsu.edu/sites/default/files/2021-04/Transition%20FACT%20SHEET%20rev.4.26.2021.pdf>

Oktak in nan aer rutto ej aikuj an jodikdik eo kojerbal Medicaid ilo an jenolok jen jinen im jemen ak rikejbarok ro an nan komman bwe en ejellok likjab ilo an wor an injuran. Injuran in make ej bar janiiji jen pakij in jiban emoj kommane nan ajiri im jodikdik nan jiban ko emoj kommani nan rutto. Jolok oktak eo jen juon pakij in jiban an rutto kaal, ilo an koba YSHCN ke emaron tobrak nan jiban in SDOH ko rej oktak, enaj lelok ien bwe en emmonlok aer lale oktak kein kin bojrak ko reieet lok, kolablok aer maron oktak nan rutto kin kejbarok im maron bok ejmour eo emmon im jonan mour eo emmon im aikuj. Nan jodikdik ro ewor aer aikuj in takto ko rej make wot, an jejjet aer oktak jen kejbarok eo an ajiri nan rutto ej lablok¹⁹

- Loor kejbarok
- Jede ñan jikin taktō an rütto
- Buñ buruon rinañinmij
- Joñan emmon in mour
- Kapeel ko ñan kejbarok emake

im ediklok:

- Likjab ko ilo kejbarok
- Abañ ko emōj loi ñan kejbarok
- Joñan ko ñan deloñ aujbitol
- Joñan ien deloñ ko ilo aujbitol
- Jorrān jen Nañinmij im mij

Bebe 3. Lelok juon möttan jibañ in SDOH ko emōj kōmelele ekkar ñan laajrak ko ikijen oktak ñan jibañ armij ro remojno ilo ien aer aikuj ilo ien oktak ko

Emoj an Oregon kalikar im lemaanlok in lale makutkut ko rej oktak im armij ro uwaan doulul eo remaron iooni ilo mour ko aer im rej jemlok ilo an jabikbik aer boke jiban in takto, jermal in jiban ko, ak jiban in komadmod. Ekkar nan jekjekin oktak im bojrak eo armij eo uwaan doulul eo ear ioone, mottan pakij ko remaron koba kolaajrakin kejbarok eo elablok, jiban in kajinet imon jokwe, jiban ikijen jikin jermal im kobalok nan jermal in jiban ko jet an armij ibben ro mottan ilo jukjukinbed im doulul ko rej bed ilo jukjukinbed. Im bareinwot, emoj an Oregon kalikar jiban ko rejejjet nan oktak, nan kolablk jiban armij ro ilo jikin kein, einwot emoj komelele ijin lal. Jejjetin oktak ko ibelakin jikin jermal ko roktak, ibelakin jikin kejbarok in ejmour ko, ibelakin ien mour ak kin makutkut ko an jejjetin ien renaj komman an juon maron tobrak nan juon ak lablok pakij in jiban ko. Ilo ien eo emoj loe ke juon armij uwaan doulul eo emaron tobrak ekkar nan jejjetin oktak eo an, jonjon in etale aikuj ko an iturin armij enaj jermal nan kalikar jiban ta ko rekkar.

Oregon ej kajitok maron in kolla wonnen nan kojerbal jonan eo federal ej lelok nan jaan in Medicaid nan lelok kolla nan CCO ko inabojin bajet eo emoj kojejjet nan jonan aikuj nan lale ro uwaan SDOH im OHP rej ioon jejjetin oktak ko ilo mour ak bojrak ko (kwomaron loe lablok in melele kin kajitok in ilo *Joortoklik in Lale Ejellok Kalijeklokbeba* in lomnak). Oregon ej loe jaan kein einwot juon kein jiban nan kolablok an HRS kolla lok nan bajet ko emoj kojejjet kin jonan aurok ilo yio ko jeklaj, kinke enaj

¹⁹ Beba eo kin Melele ko Rejimwe jen Jikin eo an Oregon kin Ajiri im Jodikdik Ewōr aer Aikuj ko Rej Make Wōt ikijen Taktō, Möttan. 4/26/2021, Op. cit.

komman an CCO ko maron komman aer maron im kalikar elon jiban ko rejjet mokta jen aer lukkun bed ilo uwota. Oregon ej lemaanlok kolla ko inabojin bajet eo emoj kojejjet nan jonan aurok jino ilo yio eo kein kajilu ilo ien kwalok melele ko rekaal. Im elablok, Oregon ej kajitok an federal lelok joortoklik moktalok nan kolla wonnen jiban in oktak ko an SDOH.

Armij ro ilo jikin ko remaron tobrak nan jiban in oktak ko an SDOH emoj komelele ekoba:

- a. Ro uwaan doulul ejellok imon aer jokwe, ak rebed ilo uwota nan an ejellok imon aer jokwe.
- b. Ro uwaan doulul rej oktak jen injuran in Medicaid wot ñan injuran in Medicare-Medicaid
- c. Ro uwaan doulul eo remojno ñan kauwotata in jorraan ko jen mejatoto
- d. Ro uwaan doulul (rutto im jodikdik) rej oktak jen aer diwojlok jen jikin kalbuj ko
- e. Rütto ro rej oktak in diwoj jen Imon Kalbuj ko kin Nañinmij in Kōmelij (IMD)
- f. Jodikdik ro Ewōr aer Aikuj in Kejbarok ko Rej Make Wot lok ñan joñan yiō 26
- g. Jodikdik ro rej kobalok ilo obij eo ej bok eddon ainemmon im kejbarok eo an ajiri im rej oktak jen aer delon im diwoj jen imon jokwe ko an foster, ekoba aer ruttolok

Jerbal in jiban ko an SDOH emoj lemaanlok

Mōn Jokwe

Imon jokwe ej juon aurok eo ejab komman aban ilo jikin ko an armij nan aer maron bok jiban in ejmour, im an wor imon jokwe ej kobalok an diklok armij ro rej edelon aujbitol, diklok aer etal nan ED, im diklok jonan ko rej kalbuj.^{20,21} Ilo juon katak ear komman ilo Oregon, wonnen Medicaid ear diklok kin joñan ekka 12% alikin an armij emakutlok nan imon jokwe ko emmon wonneir.²² Kalijeklok in armij jen etto ear jelot an armij maron bok imon jokwe. Ekkar nan melele eo an 2018, armij ro ilo Oregon im rej RiKilmej, Native American, ak Pacific Islander, ak ruo ak lablok lal ko aer elablok aer bed ilo bonobonin armij ejellok imon aer jokwe jen aoleben armij ro ilo jikin eo.²³ Ilo an ejellok mennin jiban ko nan jiban an wor imon jokwe ko rekwon, emaron walok an ejellok imon jokwe ilo ien ko ewor oktak im, aliktata, komman an lablok wonnen ko ilo jikin jerbal eo an ejmour im nana lok jemlok in ejmour ko an kajojo armij. Jiban ko emaron koba juon ak lablok jen juon mottan ko laajrak:

1. Jiban kin reen ak imon jokwe ikotaan ien (kolla in wonnen reen, deposit ko, reen eo emootlok ien an kolla, motel ko, im men ko jet lok nan 12 allon)
2. Jiban ko nan imon jokwe im ekkar nan jukjukinbed (raam ko, kein ejob ko, jiban kin jarom, jiban kin mejatoto, im men ko jet)

²⁰ Nakamura MM, Toomey SL, Zaslavsky AM, et al. Jonjon in bonobon ko an ajiri bar delon ilo aujbitol nan lale an emmonlok jonan jiban. Acad Pediatr. 2014

²¹ Kamiti in Rojan Medicaid an Oregon. Mae 2018. Lale Mennin Kabanban ko nan Ejmour ilo Jikin ko ilo len eo Kein Karuo an Oktak ilo Jikin Jerbal eo an Ejmour: Rōjañ ko ñan Kein Jerbal in CCO eo ñan Lale an Oregon

²²https://oregon.providence.org/~media/Files/Providence%20OR%20PDF/core_health_in_housing_full_report_feb_2016.pdf

²³ <http://oregonhousingconference.org/wp-content/uploads/2018/10/Oregon-Housing-Conference-10-15.pdf>

3. Jiban ko ikijen aer bok juon jikin jokwe maanlok (jiban ko ikijen jerbal, bobrae jab kadiwoj er, ablikajon nan imon jokwe, jiban ikijen emakut, im men ko jet)
4. Kajinet ej lale imon jokwe im/ak keij manija (1:30 jonan oktak: lale kakoba rijerbal in ejmour eo jen mokta)

Jiban kin ial ikijen ejmour

1. Kobalok nan jiban ko ikijen ial im ewor
2. Kolla wonnen ial nan jiban aer boke jiban ko an SDOH, (einwot, paaj in baj, wonnen takji, im kredit nan uwe ibben ro jet).
3. Jiban ikijen ial ikijen ejmour kobalok nan lal in Idin Takto (NEMT)

Jibañ in mōñā

1. Kobalok nan jiban in mōñā ko ilo jukjukibbed (einwōt, ablikajon in jibañ ñan Burokraam in Jibañ in Ōn eo Elablok (SNAP)/Burokraam in Ōn eo Elablok im Ej Make Wot nan Kora, Ninnin, im Ajiri (WIC))
2. Katak kin ōn in mōñā im kōmat
3. Kadeloñ etam ilo mōñā in leen wojke im bok/mōñā ko remmon ñan ejmour
4. Emoj kojejjet ekkar nan naninmij mōñā ko rej bokwaj

Jibañ ko ikijen Jerbal

Jerbal in jiban ko ikijen jerbal emoj loi rej mennin aikuj nan kajojo armij nan aer ebok im kejbarok aer jerbal ilo jukjukinbed eo. Jerbal in jiban ko ikijen jerbal renaj kojejjet nan juon im emaron koba juon ak lablok mottan ko laajrak:

1. Jibañ kin bebe in jerbal ejejjet ñan armij eo
2. Kōjejjet kapeel in jerbal im jikin eo renaj likūt (einwōt, makūtkūt ko an jerbal, ien kajitokin ko)
3. Lelok kapilok (einwot, kin waween aer ukote mutier, bar delon jen aer kar bed ilo jikin kalbuj)
4. lal (lelok jen juon jiban in ial ejenolok nan jiban ko ikijen jerbal ak nan jerbal eo an armij eo uwaan doulul eo)

Kebaak makutkut ko rej walok jen mejatoto

lomwin yiō ko reloñ Oregon ear ioone eloñ mejatoto kauwōtata ko rar komman oktak, ekoba kijeek ko relab, mejatoto nana kin aij, im lab bwil. Ilo ien lab bwil eo an Oregon aliktata ilo kar jemlokin Juun 2021, 116 armij ro ilo Oregon rar mij jen nañinmij ko ikijen bwil ak lab an bwil iloan enbwinnier. Armij ro ilo jikin ko remojno, ekoba ajiri, kora ro rebororo, lillab im lollab ro, jukjukinbed ko armij rejab mouj kilier, kumi in armij ro rej rilikin (ekoba ro edik aer jela Kajin Belle), American Indian ro im Alaska Native ro, armij ro ewor aer utamwe, kumi ko ewor aer mojno in jerbal, einwot rijerbal ro rar kebaak jorraan in mejatoto kauwotata, jukjukinbed ko edik kolla ko aer, armij ro ewor kadede aer naninmij ko ak naninmij ko rejab bojrak, im kakobaba in kumi kein, rej ioone jorraan in ejmour ko elab jonaer kinke

rej ioon an diklok ilo aer kajur kin mejatoto.²⁴ Jorraan jen mejatoto kauwotata rej walok ilo an lablok aer ikut im lablok aer kauwotata, remaron kakkure an armij boke jiban in ejmour im bar injuran.²⁵ Jiban ko nan armij ro rar jelot jen jorraan ko jen mejatoto im mojno jen jorraan in mejatoto kauwotata emaron kadiklok kalijeklok ko ikijen ejmour im bojrak ko ilo jiban im injuran kin jiban in taktō. Jiban ko emaron koba juon ak lablok jen juon mottan ko laajrak:

1. Kolla nan ektak kein kamololo / komaanan im/ak jikin kiki ko nan komakut armij (einwot, beba ko wonnen takji, kredit nan uwe wa ibben ro jet, kojerbal NEMT, ak ial ikijen takto iloñ)
2. Kolla nan kein jermal ko rej kejbarok jonan bwil ko remmon im mejatoto erreō, ekoba kein kamololo, kein komaanan, kein liklik ettoonon ko mejatoto im injin in jarom ko nan komadmode kein jermal ko ilo ien enaj kuñ jarom
3. Kolla ak beba in kolla ko nan lale muri in jarom ko relab kin joñan bwil ak molo in mejatoto relab
4. Jiban im jermal in jiban ko ikijen imon jokwe, komman jorraan in em jen kijeek ko relab nan komman bwe armij ren maron bar jokwe ilo mweo
5. Kaju maron boke kein jermal in takto ko rej jermal (DME) im rar jab maron boke ilo an ejellok beba jen takto ak komelim moktalok
6. Nuknuk im/ak mōñā ñan ro uwaan doulul eo rar jelot jen mejatoto kauwotata (einwot kijeek ko relab)

Bebe 4. Kōlablok kein jermal ko aikuj ñan jibañ an armij maron bōke jibañ in taktō rein inabojin kein jermal in lale eo kin taktō

Oregon ej lemaanlok in kojejjet an ro uwaan doulul eo maron boke jiban ko rej jiban ejellok kalijeklok kin ejmour, ekoba kejbarok eo ekkar nan manit, kin aer kojerbal Rijeberbal in Ejmour ko jen Etto (THW) – im ekoba rijeberbal in ejmour ro ilo jukjukinbed, rikajinet in ejmour ko aer make, ro mottaer rej lelok ainemmon im ejejjet jiban ko im ro rej kolotak kirae. THW ro im ro mottaer ekka aer kajojo armij ro uwaan doulul eo rej loke im remaron bar bed ilo jonan mour ko aer im rar ioone ejja men ko ilo mour ko aer, im ekomman an emmonlok aer maron lelok jiban im tobrak ilo aer kajinet juon oktak.

lomwin maron eo an Oregon ilo torre in ilo Bebe eo an State ikijen Medicaid, ro mottaer rej lelok jibañ (PDS) rej lelok mottan juon komadmod in bebe ear komman im kojejjet kutien jen juon takto ewor an laijen in lelok komadmodin jiban. Kin komelim in, Oregon enaj kolablok an armij maron boke PDS. Ro mottaer rej mour tak renaj melim aer kolla inabojin bebe in komadmod eo an etto (einwot, mokta im alikin komadmod) ak, im bareinwot, nan kojerbal jiban in SDOH ko emoj lemaanlok im rej lale aikuj ko an kajojo armij inabojin jiban in takto ko ekka im rej kobalok ilo kein jermal in lale kolla eo. Komelim an armij maron bok jiban jen ro mottaer ilo an ejellok bebe in komadmod enaj jolok mennin aban ko nan komadmod ko im lolorjak an kajojo armij ro boke jiban in kemourour ko ilo aoleben ien kemourour eo aer, ekoba mokta im alikin aer bok komadmod im ien oktak ko ilo kejbarok. Ro uwaan doulul eo renaj wonmaanlok in boke PDS ilo ien komadmod jen Bebe in Medicaid eo an State. Kokmanmanlok kein renaj jiban aoleb ro uwaan doulul eo, im rej aikuj nan jiban ro uwaan doulul eo rej bed ilo juon ien

²⁴ <https://www.apha.org/topics-and-issues/climate-change/vulnerable-populations>

²⁵ https://earthobservatory.nasa.gov/features/RisingCost/rising_cost5.php

oktak ilo injuran eo aer. Elab an kar armij ro ilobelej, doulul ko an jukjukinbed, im jukjukinbed eo ej kemourour jibane lomnak in.

Bebe 5. Boke maron in kolla nan jiban an kojejjet kutien jonan eo an jukjukinbed, ekoba kolla nan kein jermal im kolablok jonan jermal ko an takto ro im doulul ko ilo jukjukinbed (CBO).

Oregon enaj bukot an boke maron in kolla in nan jiban jonan kojejjet kutien ibben jukjukinbed, ekoba kolla ko an kein jermal im kolablok jermal ko an Doulul ko ilo Jukjukinbed (CBO). Jermal ko ibben doon an jukjukinbed nan joortoklik (CIC), einwot komelele ilo beba in lomnak eo an *joortoklik eo ej lale ejellok kalijeklok*, enaj aurok ilo an kolablok jermal ko raurok nan komman kein jermal/jikin jermal ko aikuj nan kebooj takto ro nan lelok jiban ko emoj komelim, ebok kolla, im ripoot melele ko nan lale kejbarok eo an rinanimij, lale jemlok ko, im loloorjak jimwe in jermal eo an burokraam ak nan jiban kin jermal kapeel im kakobaba ibben ro ewōr kwonaer.

Ta melelein kakien kein nan ro uwaan OHP

Ro uwaan OHP renaj maron wot tobrak nan jet jiban ko ekkar nan jejetin oktak ko ilo mour ko aer im ejab kin kakolkol ko. Waanjonok, ro uwaan OHP im rej bed ilo jikin ko rej bok eddoier, einwot ro ilo Aujbitol eo an State eo an Oregon, jikin jokwe ko jet rej lale jorraan in komelij ak ro rej bed ilo jikin kalbuj- renaj bok jiban ko ewor jonaer im kadelon ettaer ilo CCO enaj komelim aer kobalok nan jiban ko einwot komadmod kin wuno kajur, jiban kin imon jokwe, im ial, ilo ien rej oktak im diwoj jen jikin ko rej bok eddoier.

Jodikdik ro Ewor aer Aikuj in Kejbarok in Eymour ko Rej Make Wot (YSHCN) renaj kejbarok wot jiban in ajiri an OHP ko aer lok ñan 26 aer yiō. Mennin ej loloorjak aer maron bok komadmod im loe takto ro emoj aer iminene kake er jekdon kolla eo an baamle eo aer im emaron kar komman aer jab maron tobrak nan OHP.

Aoleb ro uwaan OHP ilo ien oktak emoj komelele ijin lon im bareinwot ro uwaan doulul eo ejellok imon aer jokwe, ak rej bed ilo uwota in an ejellok imon aer jokwe; ro uwaan doulul rej oktak jen Medicaid-wot nan Injuran eo an Medicare-Medicaid, ro uwaan doulul eo remojno nan jorraan jen mejatoto kauwotata; im jodikdik ro rar kobalok ibben obij eo ej lale ainemmon im eymour an ajiri im rej oktak jen aer delon im diwoj jen imon jokwe ko an foster renaj bok jiban ko relablok im kolaajrak ilo ien oktak kein. Jibañ kein renaj bar kalikar moktalok im renaj koba jibañ in taktō ko emōj kōlablok, einwōt bōk jibañ in taktō ko moktalok, im bareinwōt men ko elab aer jibañ jemlok in eymour ko an juon armij bōtab rejab watōke rej jibañ in taktō (waanjoñok, jolok abañ ko ñan bōk ak kejbarok imōn jokwe).

Ro uwaan doulul eo enaj lablok aer maron bok jiban ko rej jiban an ejellok kalijeklok ilo eymour, ekoba jiban ko rekkar nan manit ilo aer kojerbal Rijerbal in Eymour ko an Etto (THW) – im ekoba rijerbal in eymour ro an jukjukinbed, rikajinet kin eymour ko an kajojo armij, ainemmon im jiban ko rejejet im ro rej jibañ kolotak kirae. THW ko im ro mottaer ekka aer loke armij rein kajojo jen armij ro uwaan jukjukinbed im remaron bar ioone ejja joñan ko ilo jikin ko rej jokwe im iminene ko rar iooni ilo mour ko aer, komman bwe ren bojak in jiban armij rein uwaan doulul ilo an tobrak aer kajinete juon oktak.

Bija A

Bebe ko relablok (ejellok komelim)

Ijin lal ej jet bebe ko relablok Oregon ej kotobare in jiban jermal in botab ejab aikuj maron nan komelim:

1. Ilo ien katak eo an 2021, jikin kwelok eo an Oregon ear ilik joortoklik lablok jen \$500 milien ilo jaan ko an state nan kokmanmanlok jikin jermal in ejmour in muten eo an jukjukinbed nan jiban kadiklok ien delon ko ilo Aujbitol eo an State eo an Oregon im jikin IMD ko jet.
2. Ilo ien kwelok eo an kien 2021, Oregon ear kommane im kolla wonnen juon lain in jiban uwota in bobrae an armij make man er im ejmour in mwil 9-8-8 nan jiban kajojo armij ro rej ioon ejmour in komelim kauwotata (Kakien eo an Oregon 2417(2021)).²⁶
3. Oregon ekonaan tobare bebe ko ilo oktak ko nan kakien kein im boke jiban eo emmonlok nan armij ro rej emakut jen jikin jiban ko an CCO (etal jen juon CCO nan bar juon). Waanjonok, ajiri ro rej bed ilo jikin ko rej lale ainemmon im ejmour an ajiri remaron wōr juon baamle in foster ej jokwe ilo juon jikin jiban in CCO oktak jen CCO eo ej bed ilo imōn jokwe eo aer.
4. Ńanro ejellok aer injuran in OHP ej jermal ilo toore in, OHA enaj kobalok ibben Burokraam in Lelok Melele im ej Kobalok ibben Jukjukinbed an OHA im rijermal ko an jikin kalbuj ilo jukjukinbed ilo aer jinoe, kadedelok, im lelok ablikjon in OHP eo ekaal ilon 72 awa jen ien rar kalbuj im kadelon ettaer ilon jikin kalbuj ko an bukon im jukjukinbed (raan eo ejejjet injuran enaj raan eo ear kadelon ettaer im injuran eo enaj jino jen raan eo); im kadelon āt ilo CCO ilo jikin eo armij eo ej jokwe (ak kelet eo an CCO elane elon CCO ko ilo jikin eo) enaj kaju walok ilo ien eo renaj loe jemlok in maron tobrak nan OHP.

Kwōmaroñ bōk beba in ilo bar jet kajin, jeje ko relab, jeje ko an ribilo ak ilo juon wewein ko kwōkōṇaan. Kebaak

Burokraam in Kebaak Kumi ko Rej Jermal Ibben Doon ilo [Jukjukinbed ilo community.outreach@dhsosha.state.or.us](#) ak ilo am kūrlok 1-833-647-3678. Kimij ebōk aolep kall ko rej itok kin kein jibañ ak kwōmaroñ jibed 711.

²⁶ <https://olis.oregonlegislature.gov/liz/2021R1/Measures/Overview/HB2417>